



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080122383036919

№ 1079

26 / თებერვალი /  
2019 წ.

**შპს „ლიდერი“ შავ სიაში დარეგისტრირების შესახებ**

**შემსყიდველი ორგანიზაცია:** დედოფლისწყაროს მუნიციპალიტეტის მერია;

**ტენდერის ნომერი:** NAT180005525;

**შესყიდვის ობიექტი:** 71300000 – საინჟინრო მომსახურებები;

**მიმწოდებელი:** შპს „ლიდერი“ (ს/ნ: 427716983);

**წერილობითი შეტყობინების საფუძველი:** სახელმწიფო შესყიდვის შესახებ ხელშეკრულებით ნაკისრი ვალდებულებების შეუსრულებლობა.

**აღწერილობითი ნაწილი**

**1. ადმინისტრაციული წარმოების დაწყება**

1.1. სახელმწიფო შესყიდვების სააგენტოში 2019 წლის 3 იანვარს წარმოდგენილ იქნა დედოფლისწყაროს მუნიციპალიტეტის მერიის 2018 წლის 28 დეკემბრის №3105 წერილობითი შეტყობინება (რეგისტრაციის №10), რომლითაც სააგენტოს ეცნობა შპს „ლიდერის“ (ს/ნ: 427716983) მიერ NAT180005525 ელექტრონული ტენდერის საშუალებით დადებული 2018 წლის 1 მაისის № 55 სახელმწიფო შესყიდვის შესახებ ხელშეკრულებით ნაკისრი ვალდებულებების შეუსრულებლობის თაობაზე.

1.2. სააგენტომ შპს „ლიდერს“, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის [ramazilideri@gmail.com](mailto:ramazilideri@gmail.com) მეშვეობით, 2019 წლის 4 იანვრის №15 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა. მიმწოდებელს განმარტება არ წარმოუდგენია.

**2. შემსყიდველი ორგანიზაციის პოზიცია**

შემსყიდველი ორგანიზაციის წერილობითი შეტყობინების თანახმად, მიმწოდებელს, 2018 წლის 1 მაისის №55 სახელმწიფო შესყიდვის შესახებ ხელშეკრულების საფუძველზე, ხელშეკრულების გაფორმებიდან 2018 წლის 1 ივნისამდე, მისთვის უნდა გაენია საპროექტო-სახარჯთაღრიცხვო დოკუმენტაციის შედგენის მომსახურება. ხელშეკრულების ღირებულებად განისაზღვრა 2 881 ლარი, ხოლო მოქმედების ვადად – 2018 წლის 30 მაისი. მიმწოდებელმა არ შეასრულა ხელშეკრულებით ნაკისრი ვალდებულებები და ამოიწურა 2018 წლის 1 მაისის № 55 სახელმწიფო შესყიდვის შესახებ ხელშეკრულების მოქმედების ვადა, ხოლო დედოფლისწყაროს მუნიციპალიტეტის მერიამ 2018 წლის 28 დეკემბრის № 886 ბრძანებით შპს „ლიდერს“ დააკისრა პირგასამტეხლო 144,05 ლარის ოდენობით.

**3. მიმწოდებლის პოზიცია**

მიმწოდებელს ადმინისტრაციული წარმოების ფარგლებში განმარტება არ წარმოუდგენია.

**4. სააგენტოს მიერ დადგენილი გარემოებები**

4.1. 2018 წლის 5 აპრილს დედოფლისწყაროს მუნიციპალიტეტმა გამოაცხადა NAT180005525 ელექტრონული ტენდერი ხარჯთაღრიცხვის (CPV71324000) შესყიდვის მიზნით.

4.2. სატენდერო კომისიის 2018 წლის 25 აპრილის № 3 სხდომის ოქმით შპს „ლიდერი“ (ს/ნ: 427716983) გამოვლინდა გამარჯვებულად და მიწვეულ იქნა სახელმწიფო შესყიდვის შესახებ ხელშეკრულების გასაფორმებლად.

4.3. 2018 წლის 1 ოქტომბერს მხარეთა შორის გაფორმდა № 55 სახელმწიფო შესყიდვის შესახებ ხელშეკრულება, რომლის საფუძველზეც, მიმწოდებელს, ხელშეკრულების გაფორმებიდან 2018 წლის 1 ივნისამდე, შემსყიდველი ორგანიზაციისთვის უნდა გაენია საპროექტო-სახარჯთაღრიცხვო დოკუმენტაციის შედგენის მომსახურება. ხელშეკრულების ღირებულებად განისაზღვრა 2 881 ლარი, ხოლო მოქმედების ვადად – 2018 წლის 30 მაისი.

4.4. ინსპექტირების ჯგუფის 2018 წლის 24 დეკემბრის მოხსენებითი ბარათიდან ირკვევა, რომ მიუხედავად ზეპირსიტყვიერი გაფრთხილებებისა, მიმწოდებელმა არ წარადგინა ხელშეკრულებით გათვალისწინებული დოკუმენტაცია და ამოიწურა, როგორც ვალდებულებების შესრულების, ასევე ხელშეკრულების მოქმედების ვადა.

4.5. დედოფლისწყაროს მუნიციპალიტეტის მერიამ 2018 წლის 28 დეკემბრის №886 ბრძანებით შპს „ლიდერს“ დააკისრა პირგასამტეხლო 144,05 ლარის ოდენობით.

### **სამოტივაციო ნაწილი**

#### **5. შემაჯამებელი დასკვნა**

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ შპს „ლიდერი“ უნდა დარეგისტრირდეს შავ სიაში.

#### **6. გამოყენებული სამართლებრივი აქტები**

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

#### **7. სამართლებრივი შეფასება**

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავდროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. მოცემულ შემთხვევაში, დგინდება, რომ მიმწოდებელმა არ შეასრულა 2018 წლის 1 მაისის № 55 სახელმწიფო შესყიდვის შესახებ ხელშეკრულებით ნაკისრი ვალდებულებები. ამდენად, სახეზეა მიმწოდებლის გაფრთხილების ან შავ სიაში დარეგისტრირების წინაპირობა.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი.


7.6. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა მიმწოდებლის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძვლები, რადგან მიმწოდებელმა არ შეასრულა ხელშეკრულებით ნაკისრი ვალდებულებები. შესაბამისად, მოცემული დარღვევის გათვალისწინებით, შპს „ლიდერი“ უნდა დარეგისტრირდეს შავ სიაში.

### სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტით და დაადგინა:

1. შპს „ლიდერი“ (ს/ნ: 427716983) 2019 წლის 27 თებერვალს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარე

ხელმოწერილია/  
შტამპდასმულია  
ელექტრონულად 

ლევან რაზმაძე